

17.05 CUNTRASTS SIN SRF 1

Nós somos todos uma família – Portugais en l'Engiadin'Ota

Cuntrasts program da stad – Chattar la fortuna en terras estras (8).



Dapi 27 onns exista il FC Lusitanos de Samedan. Oriundamain eran quai mo umens che sa scuntravan per dar ballape en il temp liber. Oz è l'uniun era in lieu da scuntrada per eveniments culturals e socials. En l'Engiadin'Ota ha en il fratemps mintg'otgavla persuna ragischs portugaisas. Quest augment marcant dals Portugais durant ils ultims diesch onns è ina gronda sfida per las autoritads e las scolas. A Puntraschigna, nua che 30 pertschient dals uffants da scola èn dal Portugal, sa mussan era ils cunfins da l'integrazion. E tuttina vala la scola bilingua tudestg-rumantscha da Puntraschigna sco model per l'integrazion d'uffants da lingua es- tra. Il film «Nós somos todos uma família» dat invista en il mintgadi da la cuminanza portugaisa e sa fatschenta cun dumondas da l'integrazion..